

**VEDTEKTER**

**FOR**

**ÆNES OG MAURANGER**

**BYGDALAG**

## § 1 **Formål.**

Ænes og Mauranger Bygdalag – seinare kalla laget – omfattar Ænes og bygdene langs Maurangerfjorden.

Laget skal vera eit samlande organ for bygdene og arbeida for generell bygdeutvikling. Tiltak som kan bidra til å styrkja busetnad, arbeidsplassar og trivsel skal prioriterast. Laget skal og arbeida for styrking av samhald og samarbeid mellom bygdene. Laget skal ha ansvar for tilstellingar og aktivitetar, både for unge og eldre. Det skal vera eit kontaktorgan, og ta opp til drøfting saker av felles eller lokale interesser.

Laget sitt arbeid skal ikkje vera til hinder for andre lag og organisasjonar sine aktivitetar. Laget skal støtta opp under private initiativ, dersom tiltaket er i samsvar med laget sine formål. Laget skal vera politisk og religiøst ubunde.

## § 2 **Eignelutar.**

Alle midlar og eignelutar som er – eller vert tilført laget - er bygaeige.

Denne paragrafen kan ikkje endrast.

## § 3 **Medlemskap og plikter.**

Laget ynskjer først og fremst at alle som bur i dei tilslutta bygdene vert medlemer. Andre kan også bli medlem dersom dei ynskje å støtta laget sitt arbeid.

Alle medlemer pliktar å ta tillitsverv laget når dei blir spurd. Dersom ein går ut av eit verv kan ein likevel bli friteken for nye verv like lenge som ein hadde siste verv.

Utgangspunktet for laget sine aktivitetar og tilstellingar skal vera samfunnshuste på Sunndal. Men laget kan og arbeida for å skipa til aktivitetar/tilstellingar i andre bygder når behov og interesse er til stades.

Eit aktivt lag krev aktive medlemer, difor er det viktig å informera styre/styremedlemer om saker av felles eller lokal interesse. Saka vil då bli drøfta og fylgt opp gjennom styret sitt arbeid.

## § 4 **Årsmøte.**

Årsmøte skal haldast kvart år innan utgangen av mars. Innkalling skal skje med minst 14 dagars varsel.

Alle frammøtte har tale og forslagsrett på årsmøte. Røysterett har berre dei som er medlemer, og over 16 år.

Årsmøte er vedtaksført når minst 10 røysteføre personar er tilstades. Er ikkje så mange tilstades skal det utlysast til nytt årsmøte, det er då vedtaksført utan omsyn til talet på frammøtte.

Årsmøte skal handsama årsmelding, rekneskap og val etter vedtekten. Fastsetje medlemskontingent. (Etter forslag frå styre.) Elles gjera vedtak i andre saker som står på saklista.

Alle saker som styre legg fram for årsmøte skal vera styrehandsama på førehand.

Årsmøte vel:

Leiar for 1 år (Ved eige val.)

2 styremedlemer for 2 år.

3 varamedlemer til styret for 1 år. (Ikkje krav om bygdetilknyting.)

2 revisorar for 1 år.

1 medlemer til valnemnd for 3 år.

Leiar for valnemnda. (Kan ikkje attveljast.)

Det skal ikkje vera ymse på saklista til årsmøte. Men etter at årsmøte er formelt avslutta vert alle frammøtte oppmoda om å koma med tankar og innspel til drøfting. Det kan ikkje gjerast vedtak i slike saker, men kan vera til god hjelp i styre sitt vidare arbeid.

## § 5 **Styret.**

Styre skal vera på 5 personar. (Bør helst ikkje vera fleire personar frå same bygda.)

Leiar blir valt utan omsyn til bygdetilknyting.

Arbeidsoppgåver:

- 1) Konstituering. – val av nestleiar, skrivar og kasserar.
- 2) Leia laget og ha ansvar for å følgja opp årsmøtevedtak.
- 3) Følgja godt med på kva som skjer, ta initiativ i saker som kan vera til nytte for bygdene. Setje i verk aktuelle tiltak og gjera naudsynte vedtak.
- 4) Etter behov opprette eller leggje ned undergrupper, nemnder og liknande. Samt velje/utpeike medlemer og leiarar til desse.
- 5) Ha ansvar for laget sin økonomi. Og at turvande rekneskap vert ført.
- 6) Skipa til aktuelle tilstellingar.
- 7) Ha god kontakt med kommunen, og andre organ det kan vera aktuelt å samarbeida med.
- 8) Informere medlemene i viktige saker. (For eksempel på mauranger.no, medlemsmøter, eller omframt årsmøte.)
- 9) Utarbeide instruks for valnemnda.

## § 6 **Oppløysing – Nedlegging.**

Oppløysing av laget kan berre gjerast av årsmøte, og krev 2/3 fleirtal av dei røysteføre frammøtte.

Vert laget oppløyst eller nedlagt skal siste styre bli sitjande. Dei er ansvarlege for å ta vare på eignelutene, i von om at laget blir skipa på ny. Skjer ikkje det innan 2 (to) år kan styre dela eignelutene til aktive undergrupper, eller eksisterande grendalaq, -ut frå medlemstal i laget sitt siste driftsår.

## § 7 **Endring av vedtektena.**

Forslag til endring av vedtektena må vera styret i hende minst 1 månad før årsmøte. Forslag til vedtekts endringar skal stå som eiga sak i innkallinga til årsmøte.

Endring av vedtektena kan berre gjerast av årsmøte, og krev minst 2/3 fleirtal av dei røysteføre frammøtte.

Vedtektena er godkjent av årsmøte: 8. mars 2015.

